

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKO VIJEĆE**

Broj:01-05-1-1441-8 /17

Dana, 29.12.2017.godine

Na osnovu člana 23. Statuta općine Doboj Jug („Službeni glasnik općine Doboj Jug“, broj:03/08) Općinsko vijeće općine Doboj Jug na svojoj desetoj sjednici VII saziva, održanoj dana 28.12.2017.godine, donosi

**ODLUKU
O DODJELI NOVČANE POMOĆI
PORODILJAMA KOJE NISU U RADNOM ODNOSU
NA PODRUČJU OPĆINE DOBOJ JUG**

I – OPĆE ODREDBE

Član 1.

(Predmet Odluke)

Ovom Odlukom utvrđuju se uvjeti, način i postupak ostvarivanja prava na dodjelu novčane pomoći porodiljama koje nisu u radnom odnosu na području općine Doboj Jug.

Član 2.

(Korisnici prava)

Pravo na dodjelu novčane pomoći porodiljama koje nisu u radnom odnosu ostvaruju porodilje pod uvjetom da imaju prijavljeno prebivalište i stvarno boravište na području općine Doboj Jug i da je rođeno živo dijete u 2018.godini.

Pravo na dodjelu novčane pomoći iz stava 1. ovog člana može ostvariti otac djeteta u slučaju smrti majke, ako majka napusti dijete ili ako je iz opravdanih razloga spriječena da koristi isto pravo.

Član 3.

(Visina i vrijeme ostvarivanja pomoći)

Novčana pomoć ostvaruje se na period od 10 /deset/ mjeseci počev od dana porođaja žene-majke u visini od 100,00 KM mjesečno neovisno od broja rođene djece.

II – POSTUPAK DODJELE POMOĆI

Član 4.

(Podnošenje zahtjeva)

Zahtjev za dodjelu novčane pomoći podnosi se Službi za civilnu zaštitu, opću upravu i zajedničke poslove općine Doboj-Jug.

Član 5.

(Potrebna dokumentacija)

Zahtjev za dodjelu novčane pomoći podnosi se posebnom obrascu uz koji se prilaže fotokopija lične karte i uvjerenje o prebivalištu porodilje, dokaz o nezaposlenosti podnosioca zahtjeva i Rodni list za novorođenče.

Član 6.

(Izdavanje rješenja)

Na osnovu podnesenog zahtjeva sa potrebnom dokumentacijom, iz člana 4. ove Odluke, Služba za civilnu zaštitu, opću upravu i zajedničke poslove općine Doboj Jug donijeti će Rješenje o odobravanju pomoći, odbacivanju ili odbijanju zahtjeva.

O žalbi na rješenje općinske službe rješava Općinski načelnik.

Član 7.

(Isplata novčane pomoći)

Isplata novčane pomoći vršiti će se putem tekućih računa.

Član 8.

(Sredstva za ostvarivanje prava)

Sredstva za realizaciju ove Odluke, osiguravaju se u budžetu općine Doboj Jug.

Član 9.


(Izmjene i dopune Odluke)

Izmjene i dopune ove Odluke vrše se u postupku propisanom za njeno donošenje.

Član 10.

(Stupanje na snagu Odluke)

Odluka stupa na snagu narednog dana od dana objavljivanja u Službenom glasniku općine Doboj Jug, a primjenjivati će se od 01.01.2018.godine do 31.12.2018.godine.



Predsjedavajući Općinskog vijeća

Mujo Aydić